

Notes du mont Royal



www.notesdumontroyal.com

Cette œuvre est hébergée sur « *Notes du mont Royal* » dans le cadre d'un exposé gratuit sur la littérature.

SOURCE DES IMAGES
Google Livres


E C L O G A E
P O Æ T A R U M L A T I N O R U M

I N U S U M

G Y M N A S I O R U M

E T

S E M I N A R I O R U M P H I L O L O G I C O R U M.



**ECLOGAE
POËTARUM LATINORUM
IN USUM
GYMNASIORUM
ET
SEMINARIORUM PHILOLOGICORUM.**

**ITERUM EDIDIT
LONGE AUCTIONES ET CORRECTIORES
IO. CASP. ORELLIUS.**

**INSUNT
A. PERSII FLACCI
SATIRAE SEX INTEGRAE**

**CUM SCHOLIASTA ET VARIETATE ALIQUOT CODD. NUNC PRIMUM
COLLATORUM.**

**TURICI
TYPIS ORELLII, FUESSLINI ET SOCIORUM.
M. DCCC. XXXIII.**

GIFT
Merrill

PA6121
A7 O74
1833

EDITOR LECTORIBUS.

Quum Gymnasii Turicensium Carolini hoc sit institutum, ut in classe philologica eloquentiae professor suo ex iudicio poëtarum Latinorum vel locos selectos vel integra carmina exponat, quibus scholis interesse solent e reliquis quoque classibus auditores voluntarii, post Ovidium Virgiliusque in Collegio humanitatis domive perfectos, uti postulat usus et ratio, ad Horatium accessuri, satis cognito hoc omnium principe optabile sane erat, ut deinceps ad ceterorum etiam lectionem paullatim perducerentur. Etenim illi quoque, qui harum literarum ingenuo amore capti strenue ac sponte sua iis operam dare pergunt, novis subinde, ne casset voluntas, illecebris retinendi videntur. Horum igitur commodis propisciens libellum auditoribus meis tradendum censui, cuius exiguo volumine comprehendenderentur Latinorum poëmata elegantissima quaeque et publicae interpretationi quam maxime apta. Sed id quoque spectandum erat, ut quae collegissem, speciem quandam universae praeter scenicam apud Romanos poëseos exhiberent et ad reliqua eiusdem monumenta recte intelligenda viam quodam modo munirent bonarum artium studiosis. Verum meo pro consilio paullo aliter. Nam in huiuscemodi Anthologiis fieri saepe videmus, versatus sum; si quidem lectionibus ipsis reservari debebant, quae vel ad grammaticam interpretationem vel ad poëtarum artem demonstrandam proprie pertinerent; tum significare potius, quam enucleare consentaneum erat res mythologicas atque historicas, ut, quum accuratior earum expositio a magistro esset repetenda, memoriae tamen aliquatenus subveniretur. Ubi vero plures unius loci interpretationes exstant, eam, quae verior mihi visa esset, aut ab aliis repartam aut a me ipso excogitatam indicare raro neglexi, ne nimis fluctuarent

Eclogae Poët. Lat.

MCS2771

auditores scholis cum fructu excipiendis sese praeparaturi. Exhibenda etiam erant interdum aliorum scriptorum verba meos illustrantia, quominus dictando tereretur tempus vivam potissimum magistri vocem desiderans. Praeterea quum haud pauci nostrorum mature iam criticae doctrinae praecipitis initiandi sint ac theologorum quoque ingenium his studiis acuatur sevoceturque a somniis fanaticorum, diligenter etiam quam in tironum, ut inquiunt, usus plerumque solet necesse haberi, enotandam ac diiudicandam suscepit lectionis diversitatem. Paucissimis denique verbis ut his omnibus defungerer, ipsa libelli utilitas suadebat; carmina enim, non adnotaciones ii petebant, quibus erat destinatus: [nec vero tantummodo ad lectiones publicas: volebam enim, ut domi quoque haberent, quibus sese delectarent. Minime autem, haec scribens, reprehendo VV. CC. Lindemannum (1823.) et O. Schulzium (1825.); suum enim uterque consilium secutus est et in diversis regionibus atque scholis compluribus similis moduli ac generis libellis, ut inter multos etiam meus est, locum esse video. Praeterea nemo mihi vitio vertet, quod meo ex sensu, quem erroris expertem nunquam praestabo, in omnibus mei libelli partibus, etiam in hac altera editione, ea secutus sum, quae vere poëtica mihi visa sunt, alii alia quum praetulerint. ED. ALT.]

Iam, quibus subsidiis usus singula tractaverim, enarrabo.

In Lucretii quidem locos selectos recensendos plus utique laboris insumendum fuit, quam propositi ratio postulare primum videbatur. Quamvis enim Eichstaedtius, quem praecipue secutus sum, (etiam in scribendi ratione, non tamen usquequaque ipsi Viro clarissimo postmodum probata) perpetuum Wakefieldi censorem correctoremque docte atque eleganter egisset, nihilominus aliquoties modo amborum, modo alterius utrius auctoritatem deserere ausus sum. Nam ea profecto etiamnunc est conditio carminis Lucretiani, ut indefessas futuri editoris curas requirat, qui studiose rursus excussis codicibus editionibusque in nova recensione adornanda elaboret. Ego vero et libris scriptis, et, quod nimis aegre tuli, Iuntina editione^(*) destitutus, quid in tractandis

(*) Hanc et alteram Aldinam nunc ipse domi habeo. Ed. alt.

reliquarum ac praesertim Glasguensis^(*) copiis observare licuerit, paucis exponam. Brixensem e melioris notae codice ductam esse compertum habeo, eaque quum caruisset Wakefieldus, factum est, ut minus certum de veterum editionum lectionibus saepe iudicium ferret. Ex alio autem libro vitiosiore fluxit Veronensis, fideliter repetita in Veneta, erroribus nonnisi operarum et paucissimis interpolationibus correctori, ut opinor, subnatis, sed plerumque pravis, discrepante ab illa. Venetam^(**) deinde, non Veronensem, ut ratus est Wakefieldus, emendavit Hieronymus Avancius, qui scite interdum, frequentius tamen, ut Italorum tunc temporis mos erat, audacissimi interpolatoris, quam circumspecti critici partes agere maluit. Profitetur ille quidem, nescio qua gloriola ductus, se Lucretii poëma sine antiquo exemplari emendasse, sed eundem veteratorem hac in re deprehendi, quippe qui versus aliquot minime subditios, quamvis a praecedentibus, si fides Gerardo, omnibus omissos (2, 4139. 3, 866. 5, 1041.) suis locis inseruerit. Hanc autem Aldinam priorem examinare quum neglexisset Wakefieldus, eum in errorem incidit, ut quae Avancii essent, cuncta Pio perperam tribueret. Pius enim rarissime ab Avancio discessit (1, 123. 2, 594.) bona atque inepta pariter subripiens; prisca vero exemplaria, quae identidem laudat, passim interpolationis suspecta sunt, Marulli praesertim codex.

In Catulli Epithalamio Pelei ac Thetidis^(***) recensendo usus sum Aldina utraque, Parisina c. n. Var. anni 1604.,

(*) Glasguae 1813. 4. Vol. 8. Magna dos huius editionis est collatio Ed. Brixienensis s. a. (1472.) Veronensis 1486. Venetae 1495. Avancii apud Aldum 1500. cum Bipontina 1782., quae Creechii, id est, Lambini ultimam recensionem sequitur, a Ioanne Gerardo accuratissime confecta.

(**) Cfr. I, 142. *efferre Ver. perferre Ven. Av. 3, 1048. infimus Ver. improbus Ven. Av.*

(***) Festivam allegoriam convivii illius nuptialis habes in Clementinis, Homilia 6, 14. — τὸ δὲ συμπόσιον τὸ γαμήλιον, ἔνθα τὸ δεῖπνον ἐτέλει Ζεὺς ὑπέρ τε τῆς Νηρείδος Θέτιδος καὶ τοῦ καλοῦ Ηγείως, ἀλληγορίαν ἔχει ταύτην· — τὸ μὲν δὴ συμπόσιον, ὁ κόσμος· οἱ δὲ δώδεκα, οὐράνια τῶν μοιρῶν περιστηρόγματα, ἀτινα χώδια καλοῦσιν· Προμηθεύς, ἡ προμηθεία, ὑφ' ἣς τὰ πάντα ἐγένετο· Ηηλεύς, ὁ πηλὸς ὁ ἀπὸ γῆς εἰς ἀνθρώπουν γενεσιν περινοηθεῖς καὶ μιγεῖς τῇ Νηρείδι, τουτέστιν ὑδατί· ἐκ δὲ τῆς τῶν δύο μίξεως, ὑδατός τε καὶ γῆς, ὁ πρῶτος, οὐ γεννηθεῖς, ἀλλὰ πλασθεὶς τέλειος, διὰ τὸ μαζοῖς χείλη μὴ προσενεγκεῖν Αχιλλεὺς προειρηνεύσῃ κ. τ. λ.

Vossii, Vulpii, Doeringii, Astii commentariis et lectionibus Mitscherlichii. Parum aut nihil praesidii subministrabat: *Libro di C. Valerio Catullo tradotto in versi italiani a rincontro del testo latino da Luigi Subleyras nell' anno MDCCCLXX. Seconda edizione. Roma, de Romanis 1812. 12.* cuius lectionem e Corradiniana ac Vulpiana miro modo mixtam deprehendi. Plus sane debeo nupero editori Franco-gallico: *Les noces de Thétis et de Pélée, poème de Catulle traduit par M. P. L. Ginguené. Paris, Michaud. 1812. 12.* quamquam ille neque codices Lutetiae asservatos neque editionem principem, qua par erat, diligentia contulit, maiorem etiam, quam merebatur, Alexandri Guarini recensioni auctoritatem tribuens. — Versus aliquot nulla iam arte sine melioribus libris sanandos asterisco praefixo dedi, ut leguntur in Codicibus nunc notis; praestat enim, opinor, hac in re artifices imitari, qui antiquorum simulacra trunca picturasque evanidas omissis recentiorum supplementis repraesentare, quam mentita integritate fallere oculos malunt.

In eiusdem poëtae Elegia de coma Berenices praeter subsidia iam memorata ac Valekenarium (*Callimachi Elegiarum fragmenta cum elegia Catulli Callimachea collecta atque illustrata a L. C. Valckenaer. Lugd. Bat. 1799. 8.*) magno mihi emolumento fuit Hugonis Foscoli [amici mei, Mediolani quum degerem, probe mihi cogniti, postea generosissimi exsulis, Londinii nuper mortui] liber inscriptus: *La Chioma di Berenice, poema di Callimaco, tradotto da Valerio Catullo, volgarizzato ed illustrato da Ugo Foscolo. Milano dal Genio tipografico 1803. 8.* Nam quamvis animi causa optimus poëta. eam ediderit, ut umbraticos doctores describeret ac salse derideret, haud indiligerenter tamen enotavit varietatem codicum Ambrosianorum quattuor Y. (M. 38.) A. (S. 67.) B. (H. 46.) C. (D. 24.) omnium quidem recentiorum seculi quinti decimi, et, quo pollebat pulchri exquisito sensu, rectius de vera lectione saepe statuit, quam ipse Valekenarius, qui hoc in carmine edendo non minus, etsi alio modo, lusisse censendus est, ut scilicet ingenio indulgeret omnesque doctrinae copias prodige effunderet.

Facilius iam res procedebat in Tibullo post Heynii, Wunderlichii, Vossii, Huschkii ac Bachii curas, ex quibus, nulli obnoxius, quae potissimum placerent, meos in usus converti.

In Propertio, consultis etiam Bahrdtio, Burmanno, Kuinoelio, Lachmannum praecipuum ducem habui. In Ovidii Elegiis Burmannum, in Persio vero Passovium ac Nicolaum Achaintre secutus sum, ratione habita etiam eorum, quae Casaubonus, Reizius, Montius (*Satire di A. Persio Flacco, traduzione di Vincenzo Monti. Milano, Genio typogr. 1803. 8.*) ac Meisterus (variis in opusculis) ad huius poëtae interpretationem contulerunt. Koenigii commentario careo. Editio quidem Norimbergensis anni 1803. praeter Ebneriani codicis lectiones passim excerptas bonae frugis nihil subministrabat. Primus vero excussi codicem bibliothecae Civium Turicensium (Mss. C. 135.) membranaceum, elegantissime ab Italo librario seculi tertii decimi exaratum ac plerumque cum melioris notae libris facientem.

Quum Sulpiciae satiram denuo recensendam susciperem, ante omnia dispiciendum erat, quaenam obtinuisset lectio ante Vinetum, qua de re ex Schwarzii, Burmanni ac Wernsdorffii editionibus non semper licebat tuto iudicare. At destitutus Ausonii editionibus antiquis, Basileensem anni 1523. apud Valentimum Curionem typis expressam atque ex toto cum Aldina conspirantem pro novae recensionis fundamento habui, ita ut, ubi opus esset, vitiis Aldinae Virorum doctorum measque emendationes substituerem.

Ut ad Iuvenalis satiras quasdam selectas novi saltem aliquid accederet, consului praeter Henninii ac Rupertii editiones codicem membranaceum Turicensem (C. a. 24.) seculi quinti decimi, manu Italica nitide scriptum, cui plerumque cum Parisinis Achaintrii atque editione principe convenit.

His subiunxi primo loco delectum Epigrammatum concinnatum ex Anthologia Burmanni, Collectione Pisaurensi, Martiale et Ausonio, aptumque, ut opinor, et ad lectores exhilarandos et ad usum magistri, qui, dum eum interpretatur, varia literaturae et antiquitatis Romanae capita

Notes du mont Royal

www.notesdumontroyal.com

Une ou plusieurs pages sont omises
ici volontairement.

ΤΥΡΤΑΙΟΥ ΕΛΕΓΕΙΑΙ ΔΥΟ.

I.

Ἄλλ', Ἡρακλῆος γὰρ ἀνικήτου γένος ἐστέ,
θαρσεῖτ', οὕπω Ζεὺς αὐχένα λοξὸν ἔχει.
Μηδ' ἀνδρῶν πληθὺν δειμαίνετε, μηδὲ φοβεῖσθε,
ἰθὺς δ' εἰς προμάχους ἀσπίδ' ἀνήρ ἔχέτω,
ἔχθρον μὲν ψυχὴν θέμενος, Θανάτου δὲ μελαινας
κῆρας ὑπὲν αὐγαῖσιν ἡελίοιο φίλας. 5

Ἴστε γὰρ, ὡς Ἄρεως πολυδακρύτου ἔργ' ἀνδηλα,
εὐδόκην ἐδάητ' ἀργαλέου πολέμου·
καὶ πρὸς φευγόντων τε διωκόντων τὸν ἐγένεσθε,
ὦ νέοι, ἀμφοτέρων δ' εἰς κόρον ἥλασατε. 10

Οἱ μὲν γὰρ τολμῶσι, παρ' ἀλλήλοισι μένοντες,
εἴς τὸν αὐτοσχεδὸν καὶ προμάχους ἵεναι,
παυρότεροι θνήσκουσι, σάουσι δὲ λαὸν ὅπισσω·
τρεσσάντων δὲ ἀνδρῶν πᾶσ' ἀπόλωλ' ἀρετή. 15

Οὐδεὶς ἂν ποτε ταῦτα λέγων ἀνύσειεν ἔκαστα,
ὅσσ', ἦν αἰσχρὰ πάθη, γίγνεται ἀνδρὶ κακά.
Ἄργαλέον γὰρ ὄπισθε μετάφρενόν ἐστι δαιτεῖν
ἀνδρὸς φεύγοντος δηιώ ἐν πολέμῳ. 20

Αἰσχρὸς δὲ ἐστὶ νέκυς κατακείμενος ἐν κονίῃσιν.
νῶτον ὄπισθ' αἰχμῇ δουρὸς ἐληλαμένος.

Ἄλλα τις εὖ διαβάς μενέτω ποσὶν ἀμφοτέροισιν
στηριχθεὶς ἐπὶ γῆς, χειλος ὄδοῦσι δακῶν,
μήρους τε κνήμας τε κάτω καὶ στέρνα καὶ ὥμους
ἀσπίδος εὐρείης γαστρὶ καλυψάμενος. 25

Δεξιερῆ δὲ ἐν χειρὶ τινασσέτω ὄβριμον ἔγχος,
κινεῖτω δὲ λόφον δεινὸν ὑπὲρ κεφαλῆς·
ἔρδων δὲ ὄβριμα ἔργα διδασκέσθω πολεμιζεῖν,

TYRTAEI ELEGIAE DUAE

A B

HUGONE GROTIO IN LATINUM CONVERSAE.

I.

Andite, invicti quando genus Herculis estis:

Obstipo nondum Iuppiter est capite.

Ne stantum contra numerum trepidate virorum,
Sed parvam primis obiucite agminibus.

Proiicite ex animo hanc animam, nec lumina Solis 5
Quaerite piae Mortis nocte soporifera:

Scitis enim, saevi quam facta illustria Martis,
Quam sit bellorum nobilis ille furor,

Saepe fugam experti, fugientes saepe secuti:
O iuvenes, sors vos ista, nec ista latet. 10

Nam qui consertis clipeorum umbonibus audent
Cominus in primos vulnera ferre viros,

Saepe minus pereunt et servant pone sequentes:
At timidis virtus undique disperit.

Nec quisquam fando valeat memorare, malorum
Degeneres animos milia quanta premunt. 15

Turpe etenim trepido fugientem proelia cursu
Imbelli dorso vulnera suspicere:

Turpe et pulvrea stratum tellure cadaver,
Cuius ab hostili cuspide terga rubent. 20

Sed bene progressus miles pede calcet utroque
Tellurem et labrum dente premat tacito:

Crus latosque humeros et pectus forte femurque
Ventroso clipeus ferreus orbe tegat;

Dextera sed validam summa vi torqueat hastam,
Pennata et galeam crista supervolitet. 25

Discite belligeram faciendo fortiter artem,

μηδὲ ἔκτὸς βελέων ἐστάτω ἀσπίδ̄ ἔχων.
 ἀλλὰ τις ἐγγὺς ίών, αὐτοσχεδὸν ἔγχεῃ μακρᾶ
 ἢ ἔιφει οὐτάζων, δήιον ἄνδρ̄ ἐλέτω· 30
 καὶ πόδα πὰρ ποδὶ θείες, καὶ ἐπ’ ἀσπίδος ἀσπίδ̄ ἐρείσας,
 ἐν δὲ λόφον τε λόφῳ καὶ κυνέην κυνέη
 καὶ στέργον τε στέργω πεπλημένος, ἄνδρὶ μαχέσθ..
 ἢ ἔιφεος κώπην ἢ δόρυν μακρὸν ἐλών.
 ὑμεῖς δ̄, ὡς γυμνῆτες, ὑπ’ ἀσπίδος ἄλλοθεν ἄλλος 35
 πτώσσοντες, μεγάλοις βάλλετε χερμαδίοις,
 δούρασὶ τε ἐστοῖσιν ἀκοντίζοντες ἐς αὐτούς,
 τοῖσι πανοπλίταις πλησίον ιστάμενοι.

II.

Οὔτ’ ἀν μησαίμην, ούτ’ ἐν λόγῳ ἄνδρα τιθείμην,
 οὔτε ποδῶν ἀρετῆς, οὔτε παλαισμοσύνης,
 οὐδὲ εἰ Κυκλώπων μὲν ἔχοι μέγεθός τε βίην τε,
 νικῷη δὲ θέων Θρηίκιον Βορέην,
 οὐδὲ εἰ Τιθωνοῖο γυὴν χαριέστερος εἴη, 5
 πλουτοὶ δὲ Μίδεω καὶ Κινύραο πλέον,
 οὐδὲ εἰ Τανταλίδεω Πέλοπος βασιλεύτερος εἴη,
 γλῶσσαν δὲ Ἀδρήστου μειλιχόγηρον ἔχοι,
 οὐδὲ εἰ πᾶσαν ἔχοι δόξαν, πλὴν θούριδος ἀλκῆς,
 (οὐ γὰρ ἀνήρ ἀγαθὸς γίγνεται ἐν πολέμῳ) 10
 εἰ μὴ τετλαίη μὲν ὅρῶν φόνον αίματόεντα,
 καὶ δηιῶν ὁρέγοιτ̄, ἐγγύθεν ιστάμενος.
 ἢ δὲ ἀρετὴ τό τ’ ἀεθλον ἐν ἀνθρώποισιν ἄριστον
 κάλλιστόν τε φέρειν γίγνεται ἀνδρὶ νέῳ.
 Ξυνὸν δὲ ἐσθλὸν τοῦτο πόληι τε παντὶ τε δήμῳ,
 ὅστις ἀνήρ διαβάς ἐν προμάχοισι μένη, 15
 νωλεμέως, αἰσχρᾶς δὲ φυγῆς ἐπὶ πάγχυ λάθηται,
 ψυχὴν καὶ θυμὸν τλήμονα παρθέμενος,
 θαρσύνῃ δὲ πεσεῖν τὸν πλησίον ἄνδρα παρεστώς.
 οὗτος ἀνήρ ἀγαθὸς γίγνεται ἐν πολέμῳ. 20
 Άιψα δὲ δυεμενέων ἀνδρῶν ἔτρεψε φάλαγγας
 τρηχείας; σπουδῇ δὲ ἔσχεθε κῦμα μάχης.
 Άντὸς δὲ ἐν προμάχοισι πεσὼν φίλον ὥλεσε θυμόν,
 ἀστυν τε καὶ λαοὺς καὶ πατέρ̄ εὐκλεῖσας,
 πολλὰ διὰ στέργονοι καὶ ἀσπίδος ὅμφαλούέσσης 25
 καὶ διὰ θώρηκος πρόσθεν ἐληλαμένος.

Munitum sento tela timere nefas.
Cominus aggrediens, protentam quilibet hastam
Vel gladium hostili deprimat in latere:
Haecreat et scutum scuto stabilisque pedi pes,
Tum conus cono, tum galeae galea:
Pectora pectoribus coëant; sic ipsius hostis
Vel telum manibus prendite vel capulum.
Tu vero interea veles post senta latescens,
Nec lapidum densis imbribus obruere,
Nec cessa iaculis obstantem figere turbam:
Te teget armato milite densa cohors.

II.

Non ullo in pretio, non ulla laude notandus,
Sive pedis celeris sive manus pugilis,
Sit licet et vasto Cyclopum corpore maior
Et superet cursu Threicium Boream,
Tum pulchrae vineat Tithonum munere formae,
Divitiis Cinyram divitiisque Midam,
Tantalidam Pelopem diffuso limite regni,
Adrastum blandi vocibus eloquii,
Omnia quin habeat, si desit adorea belli:
Quippe usus nullos tempore Martis habet,
Qui non intrepidus caedem spectare cruentam
Consertumque hosti gaudet habere pedem.
Hoc vere solidum certainen et unica virtus,
Aeterno iuvenes quae decorat decore.
Res populi, commune bonum vir robore praestans,
Immotus primis qui stat in ordinibus,
Oblitusque fugae venit in certamina Martis,
Adiiciens animum, proiiciens animam:
Qui propter stantem generosae mortis amore
Conceitat: hunc bello dixeris egregium:
Quem subito hostiles pavitant fugitantque catervae,
Qui belli fluctus arte manuque regit,
Qui dulcem amittit, sed primus, in agmine vitam:
Magnus honor generi, magnus honor patriae:
Volnera multa ferens, adversa sed omnia, fosso
Pectore, lorica nec minus et clipeo.

Τὸν δ' ὄλοφύρονται μὲν ὁμῶς νέοι ἡδὲ γέροντες,
ἀργαλέω τε πόθῳ πᾶσα κέκηδε πόλις.

Καὶ τύμφος καὶ παιδες ἐν ἀνθρώποις ἀρίσημοι
καὶ παιδῶν παιδες καὶ γένος ἔξοπίσω.

Οὐδέποτε κλέος ἐσθλὸν ἀπόλλυται οὐδὲ ὄνομ' αὐτοῦ,
ἄλλ' ὑπὸ γῆς περ ἐών, γίγνεται ἀθάνατος,
ὄντιν' ἀριστεύοντα μένοντά τε μαρνάμενον τε
γῆς πέρι καὶ παιδῶν θοῦρος Ἀρης ὀλέσῃ.

Εἰ δὲ φύγη μὲν κῆρα τανηλεγέος θανάτοιο,
νικήσας δ' αἰχμῆς ἀγλαὸν εὐχος ἔλη,
πάντες μν τιμῶσιν ὁμῶς νέοι ἡδὲ παλαιοί,
πολλὰ δὲ τερπνὰ παθῶν ἔρχεται εἰς Ἀΐδην.

Πάντες δ' ἐν θώκοισιν ὁμῶς νέοι οἱ τε κατ' αὐτὸν
εἴκουσος ἐκ χώρης οἱ τε παλαιότεροι.
γηράσκων δ' ἀστοῖσι μεταπρέπει· οὐδέ τις αὐτὸν
βλάπτειν οὔτ' αἰδοῦς οὔτε δίκης ἐθέλει.
Ταύτης γῦν τις ἀνὴρ ἀρετῆς εἰς ἄκρον ἵκεσθαι
πειράσθω θυμῷ, μὴ μεθιεὶς πόλεμον.

30

35

40

- Huius ad exsequias plorant iuvenesque senesque :
 Hunc tota urbs planetu funera prosequitur.
Sed nec honore caret tumulus sobolesque superstes
 Et sobolis soboles totaque posteritas. 30
Semper honos nomenque manent et postuma fama :
 Sub tellure siti gloria morte caret :
Scilicet intrepidum quem stantem et belligerantem
 Pro patria et natis Mars ferus abripuit.
Fugerit at nigrae si longa silentia noctis 35
 Et spolia e bello victor opima ferat,
Hunc venerata minor colit, hunc et senior aetas :
 Sic tumulum multo plenus honore petit :
Cuius honoratam populo nec vocibus ausit
 Nec dictis quisquam laedere canitiem : 40
Assurgunt illi iuvenes aequaevaque turba,
 Assurgunt aevo iam graviore senes.
Hoc nunc quisque paret virtutis scandere culmen ,
 Bellum indefesso sollicitans studio.

28] Ex errore, cui obnoxius fuit vel Scaliger, Grotius quoque h. l. *funera* nom. gen. fem. posuit pro *praefixa*. Cfr. supra Anthol. Latinae Ep. 3.
